



საქართველოს სავაჭრო პოლიტიკა და საბაზო ვაჭრობის ანალიზი

რეზიუმე

ლელა კოჭლავაშვილი

სტუ-ს პროფესორი

ნათია ტაბუნიშვილი

სტუ-ს დოქტორანტი

ელ. ფოსტა: natiatetunashvili@gmail.com

საგარეო ვაჭრობის განვითარება და საქონელბრუნვის ზრდა საქართველოს საგარეო ეკონომიკური პოლიტიკის რეალიზაციის ერთ-ერთი უმნიშვნელოვანესი პირობაა, რომელმაც უნდა უზრუნველყოს ქვეყნის სავალუტო შემოსავლების ზრდა, ხელი შეუწყოს ადგილობრივი წარმოების გაფართოვებას და შესაბამისად მოსახლეობის დასაქმების ზრდას, მოახდინოს ჯანსაღი კონკურენტული გარემოს ფორმირება და ეკონომიკის სტრუქტურული სრულყოფა, დააჩქაროს მსოფლიოს ეკონომიკურ სისტემაში ქვეყნის სრულფასოვანი ინტეგრირების პროცესი. სტატიაში განხილულია საქართველოს სავაჭრო პოლიტიკა და საგარეო ვაჭრობის ანალიზი.

საკვანძო სიტყვები: სავაჭრო პოლიტიკა, არასატარიფო ღონისძიებები, სავაჭრო რეჟიმი, წარმოშობის სერტიფიკატი, ექსპორტი, იმპორტი.

სავაჭრო პოლიტიკა ეს არის საქართველოს საბაზო საზღვარზე საქონლის გადაადგილების მარეგულირებელი აქტების საფუძველზე მოქმედი სატარიფო და არასატარიფო ღონისძიებები.

საქართველოს სავაჭრო პოლიტიკის სატარიფო ღონისძიება განისაზღვრება საქართველოს საგადასახადო კოდექსით გათავისუფლებული იმპორტის გადასახადით. რაც შეეხება არასატარიფო ღონისძიებებს, ის მოიცავს ნებართვებს, ლიცენზიებს, აკრძალვებს, შეზღუდვებს და ა.შ.

საქართველოს სავაჭრო პოლიტიკა ხასიათდება გამარტივებული საგარეო ვაჭრობის რეჟიმებით და საბაზო პროცედურებით, დაბალი საიმპორტო ტარიფებითა და მინიმალური არასატარიფო რეგულირებით:

1. დაბალი გადასახადები იმპორტზე: საბაზო გადასახადები დაწესებულია მხოლოდ ზოგიერთი სახის სასოფლო-სამეურნეო პროდუქტებზე და სამშენებლო მასალებზე;
2. რაოდენობრივი შეზღუდვების არარსებობა: საქართველოს არ გააჩნია რაოდენობრივი შეზღუდვები (კვოტები ან სატარიფო კვოტები);
3. თანაბარი დაბეგვრის პრინციპი: ადგილობრივი და იმპორტირებული პროდუქტია იბეგრება თანაბარი სააქციზო გადასახადითა და დღგ-ით.
4. იმპორტ/ექსპორტის ლიცენზიები: მხოლოდ ცვცხლსასროლი იარაღი და ასაფეთქებელი ნი-

თიერებები, რადიოაქტიური ნივთიერებები, სპეციალურ კონტროლს დაქვემდებარებული სამკურნალო საშუალებები და სამრეწველო ნარჩენები და სასოფლო-სამეურნეო ქიმიური პრეპარატების გარკვეული სახეობა ექვემდებარება იმპორტ/ექსპორტის ლიცენზირებას. 2005 წლიდან ნებართვების რაოდენობა საიმპორტო და საექსპორტო პროდუქტით ვაჭრობასთან დაკავშირებით 14 ძირითადი ჯგუფიდან 8 ჯგუფამდე შემცირდა.

5. გამარტივებული სატარიფო პოლიტიკით ექსპორტზე: საქართველოს კანონმდებლობის თანახმად ექსპორტი ან რეექსპორტი საქართველოდან განთავისუფლებულია საბაზო გადასახადისაგან.

სავაჭრო რეჟიმი არის ქვეყნებს შორის ორმხრივი და მრავალმხრივი საერთაშორისო ხელშეკრულებით დადგენილი სავაჭრო ურთიერთობა. სავაჭრო რეჟიმი ხელს უწყობს ან პირიქით ზღუდავს ორ ქვეყანას შორის ვაჭრობას. არსებობს სავაჭრო რეჟიმების შემდეგი სახეები: 1. ჩვეულებრივი ვაჭრობა: ანუ ქვეყნებს შორის არ არსებობს არანაირი სავაჭრო პრეფერენციები. 2. უპირატესი ხელშეწყობის რეჟიმი. აღნიშნული რეჟიმი აწესებს ჩვეულებრივ ვაჭრობასთან შედარებით გარკვეულ უპირატესობებს. 3. პრეფერენციების განზოგადებული სავაჭრო რეჟიმი: რომელსაც ანიჭებენ განვითარებული ქვეყნები შედარებით ნაკლებად განვითარებულ ქვეყნებს ცალმხრივად და არ ითხოვენ სანაცვლოდ სავაჭრო შეღავათებს. 4. თავისუფალი ვაჭრობა: ორი ან მეტი ქვეყანა თანხმდება ურთიერთ ვაჭრობისას არ გამოიყენონ საბაზო ტარიფები. გარკვეულ შემთხვევებში ქვეყნებს შორის ფორმდება ამოღების ოქმი, რომელიც განსაზღვრავს იმ პროდუქციის ჩამონათვალს, რომელსაც არ შეეხება თავისუფალი ვაჭრობის რეჟიმი.

რაც შეეხება არასატარიფო ღონისძიებებს, მაგალითად ლიცენზიებსა და ნებართვებს, მისი რეგულირება ხდება საქართველოს კანონით ლიცენზიებისა და ნებართვების შესახებ. ეს კანონი არეგულირებს ისეთ ორგანიზებულ



საქმიანობას ან ქმედებას რომელიც ეხება განუსაზღვრელ წრეს, ხასიათდება ადამიანის სიცოცხლისათვის ან ჯანმრთელობისათვის მომეტებული საფრთხით, მოიცავს განსაკუთრებით მნიშვნელოვან სახელმწიფო ან საზოგადოებრივ ინტერესებს ან დაკავშირებულია სახელმწიფო რესურსებით სარგებლობასთან. კანონით დადგენილ შემთხვევაში ამ კანონის მოქმედება შეიძლება გავრცელდეს აგრეთვე არაორგანიზებულ საქმიანობაზე ან ქმედებაზე.

ეს კანონი ასევე აწესრიგებს ლიცენზიითა და ნებართვით რეგულირებულ სფეროს, განსაზღვრავს ლიცენზიისა და ნებართვის სახეების ამომწურავ ჩამონათვალს, ადგენს ლიცენზიისა და ნებართვის გაცემის, მათში ცვლილებების შეტანის და მათი გაუქმების წესებს.

ამ კანონის მოქმედება არ ვრცელდება ამავე კანონით განსაზღვრულ საქმიანობაზე ან ქმედებაზე, თუ მას ახორციელებს “საქართველოს მთავრობის სტრუქტურის, უფლებამოსილებისა და საქმიანობის წესის შესახებ” საქართველოს კანონით გათვალისწინებული სანიმინისტრო ან მის გამგებლობაში არსებული სახელმწიფო საქვეუწყებო დაწესებულება.


საქართველოში მოქმედი სავაჭრო რეჟიმები და შეთანხმებები: უპირატესი ხელშეწყობის რეჟიმი (MFN – Most Favoured Nation): საქართველოს სავაჭრო პარტნიორების უმეტესობა არის ვაჭრობის მსოფლიო ორგანიზაციის (ვმო) წევრი და შესაბამისად ვმო-ს წევრ ქვეყნებთან (153 ქვეყანა) სავაჭრო ურთიერთობები ხორციელდება “უპირატესი ხელშეწყობის რეჟიმის” (MFN) საფუძველზე. აღნიშნული რეჟიმი ითვალისწინებს ვმო-ს წევრი ქვეყნებისთვის განსხვავებულ დაბალ ტარიფებს. პრეფერენციების განზოგადებული სისტემა (GSP, Generalized System of Preferences) პრეფერენციების გენერალიზებული

სისტემის ძირითადი არსია ეკონომიკურად განვითარებული ქვეყნის მხრიდან ეკონომიკურად შედარებით სუსტი ქვეყნის დახმარება მათი ექსპორტის განვითარებაში. ამ მიზნით განვითარებული ქვეყნები პრეფერენციების გენერალიზებული სისტემის (GSP) ბენეფიციარების ცალმხრივად (საპასუხო შეღავათების მიღების გარეშე) ანიჭებენ გარკვეულ შეღავათებს საგარეო ვაჭრობაში. კერძოდ, აწესებენ ბენეფიციარი ქვეყნებიდან ექსპორტირებულ საქონელზე საბაჟო განაკვეთებთან შედარებით საიმპორტო ტარიფის შემცირებულ განაკვეთებს (ან მთლიანად აუქმებენ მათ), რაც აადვილებს განვითარებადი ქვეყნების საქონლის შეღწევას განვითარებული ქვეყნების ბაზარზე.

ასევე მნიშვნელოვანი საკითხია ისიც, რომ ღრმა და ყოვლის მომცველი თავისუფალი სავაჭრო სივრცის (DCFTA) შესახებ შეთანხმების თანახმად, 2014 წლის პირველი სექტემბრიდან ევროკავშირიდან შემოტანილ და საქართველოდან ექსპორტირებულ 9 ათასზე მეტი დასახელების პროდუქციაზე საბაჟო გადასახადი გაუქმდა. იმისათვის, რომ პროდუქცია საბაჟო გადასახადისაგან განთავისუფლდეს, მას წარმოშობის დამადასტურებელი სერტიფიკატი – EUR.1 უნდა ჰქონდეს. იმ ქართველი მეწარმეებისთვის, რომელთაც ევროკავშირის ბაზარზე საკუთარი ნაწარმის შეტანა საბაჟო გადასახადის გარეშე სურთ, EUR.1-ის აღება უფასოა. EUR.1-ის წარდგენის შემთხვევაში პროდუქტი საბაჟო გადასახადისგან თავისუფლდება და ბაზარზე მისი თვითღირებულებაც იკლებს. ქართველ ექსპორტიორებს EUR.1-ის აღება შეუძლიათ საქართველოს შემოსავლების სამსახურში.


წარმოშობის სერტიფიკატი ძალაშია ექსპორტიორ ქვეყანაში მისი გაცემის დღიდან ოთხი თვის განმავლობაში და ამ ხნის განმავლობა-

2016 წლის საქართველოს ექსპორტი თვეების მიხედვით





**უმსხვილესი სასაქონლო ჯგუფები საქართველოს იმპორტში
2016 წელი**



ში უნდა წარედგინოს იმპორტიორი ქვეყნის საბაჟო უწყებას, იმ ქვეყანასი მოქმედი პროცედურების თანახმად.

საგულისხმო საკითხია წარმოშობის სერტიფიკატის (EUR.1) მოქმედების შეზღუდვის გამოწვევის შემთხვევები, რომლებიც განსაზღვრულია შეთანხმებაში თავისუფალი ვაჭრობის შესახებ საქართველოსა და თურქეთს შორის. მაგალითად, იმპორტული პომიდორი საბაჟო გადასახადისგან არ თავისუფლდება 1 ივნისიდან 31 ოქტომბრის ჩათვლით პრეფერენციული სერტიფიკატის წარმოდგენის მიუხედავად. ეს ღონისძიება მნიშვნელოვანია ქვეყნისათვის, ვინაიდან, ამ პერიოდში ქვეყანაში არსებობს რესურსი, რომ თავად დააკმაყოფილოს მოთხოვნა ამ პროდუქტისა და შესაბამისად ამ დროს იმპორტულ პომიდორზე თვითღირებულება იზრდება იმპორტის გადასახადით დაბეგვრის გამო. ეს ღონისძიება უპირატესობას ანიჭებს ადგილობრივად წარმოებულ საქონელს ანალოგიურ იმპორტირებულ საქონელთან შედარებით.

ყოველივე ამის ფონზე საინტერესოა ქვეყნის საგარეო ვაჭრობის ანალიზი. საქართველოს სტატისტიკის ეროვნული სამსახურის მონაცემებით 2016 წელს საქართველოს საგარეო სავაჭრო ბრუნვამ 11 966 მლნ. აშშ დოლარი შეადგინა, რაც წინა წლის მაჩვენებელზე 20%-ით მეტია.

- ექსპორტი შემცირდა 4%-ით და 2 114 მლნ. აშშ დოლარი შეადგინა.

- იმპორტი გაიზარდა 27%-ით და 9 852 მლნ. აშშ დოლარით განისაზღვრა.

უარყოფითმა სავაჭრო ბალანსმა შეადგინა 7 738 მლნ. აშშ დოლარი და სავაჭრო ბრუნვის 65% დაიკავა.

საქართველოს სავაჭრო პარტნიორი ქვეყ-

ნების რიცხვი 137 ქვეყნით განისაზღვრა, საიდანაც დადებითი სავაჭრო ბალანსი დაფიქსირდა 44 ქვეყანასთან.

რაც შეეხება იმპორტს, უმსხვილესი საიმპორტო სასაქონლო ჯგუფი 2016 წელს კვლავ სამკურნალო საშუალებები იყო 2 892 მლნ. აშშ დოლარი და მთელი იმპორტის 29%.

დასკვნის სახით

ყოველივეს გათვალისწინებით, შეიძლება ითქვას, რომ დღეს ქვეყნის ეკონომიკა დახმარებას საჭიროებს სახელმწიფოს მხრიდან. ასევე გასაფართოებელი და განსაზოგადებელია ზემოთ განხილული პომიდორის მაგალითის მსგავსად სხვა პროდუქციის მხარდაჭერა, რომლის მიღების საშუალებაც არსებობს ქვეყანაში. განვითარების საწყის ეტაპზე აუცილებლობად შეიძლება ჩაითვალოს ეროვნული პროდუქტის მხარდაჭერა და მისთვის ხელსაყრელი პირობების შექმნა. ასევე აღსანიშნავია ისიც, რომ დღეს ქვეყნიდან ექსპორტზე გადის ის პროდუქტი, ის რესურსი, რომელთა შემდგომ მზა პროდუქციის საწარმოებად გამოყენებისა და გაყიდვის შემთხვევაში ბევრად მეტი შემოსავლის მიღება შესაძლებელი და ეს ქვეყანას აღარიბებს, დარტყმას აყენებს ეკონომიკური კუთხით. მსგავსი ქმედების შეზღუდვა მიზანშეწონილად შეიძლება ჩაითვალოს მოცემულ ვითარებაში, ვინაიდან ეს ქვეყანას აზარალებს, თუმცა ამ რესურსის დაკონსერვება მეტი ზიანის მომტანი იქნება. აქედან გამომდინარე აუცილებლობას წარმოადგენს სამამულო წარმოების მხარდაჭერა სახელმწიფოს მხრიდან, ხელთ არსებული რესურსის გამოყენების საშუალებით წარმოების ზრდა ქვეყნის კეთილდღეობისა და მისი ეკონომიკური განვითარებისათვის.



გამოყენებული ლიტერატურა:

1. პიერ დე სენარკლენი, იოან არიფენი, საერთაშორისო პოლიტიკა თანამედროვე თეორიები და ამოცანები, მეხუთე გამოცემა, 2014წ.
2. ბრუს ჯენტლესონი, ამერიკის საგარეო პოლიტიკა არჩევის დინამიკა 21-ე საუკუნეში, 2015წ.
3. <http://eugeorgia.info/ka/article/125/qartveli-mewarmeebi-sertifikat-eur1-s-ufasod-aigeben/>
4. <http://www.bbi.ge/uploads/Import%20and%20Export.pdf>
5. file:///C:/Users/Downloads/DCFTA%E1%83%98%E1%83%A1%20%E1%83%9B%E1%83%9D%E1%83%97%E1%83%AE%E1%83%9D%E1%83%95%E1%83%9C%E1%83%94%E1%83%91%E1%83%98%20%E1%83%9E%E1%83%98%E1%83%A0%E1%83%95%E1%83%94%E1%83%9A%E1%83%90%E1%83%93%E1%83%98%20%E1%83%AC%E1%83%90%E1%83%A0%E1%83%9B%E1%83%9D%E1%83%94%E1%83%91%E1%83%98%E1%83%A1%E1%83%97%E1%83%95%E1%83%98%E1%83%A1%20%E1%83%92%E1%83%96%E1%83%90%E1%83%9B%E1%83%99%E1%83%95%E1%83%9A%E1%83%94%E1%83%95%E1%83%98.pdf
6. http://www.rs.ge/common/get_doc.aspx?doc_id=7271
7. <http://jrc.ge/?p=297>
8. http://bbi.ge/uploads/training_25.pdf
9. <http://www.ei-lat.ge/saqarthvelos-da-evrokavshiris-savatcro-urthierthobebi/363-shethankhmeba-ghrma-davovlismomcveli-thavisufali-vatcrobis-shesakheb.html?lang=ka-GE>
10. <http://jrc.ge/?p=297>

MARKET POLICY OF GEORGIA AND ANALYSIS OF FOREIGN TRADE

LELA KOCHLAMAZASHVILI - professor of GTU

NATIA TETUNASHVILI - GTU doctoral student

E-mail: natiatetunashvili@gmail.com

Summary

Foreign trade turnover in the development and growth of the foreign economic policy - one of the most important conditions to ensure the country's foreign exchange revenue growth, promote the expansion of local production and employment of the population growth, the formation of a healthy competitive environment and the economy FF Ukturuli perfection, speed up the country's full integration into the world economic system protsesi.statia discusses politics of trade and foreign trade analysis.

keywords: Trading policy, Non-tariff measures, Trading Mode, Certificate of origin, Export, Import

РЫНОЧНАЯ ПОЛИТИКА ГРУЗИИ И АНАЛИЗ ВНЕШНЕЙ ТОРГОВЛИ

ЛЕЛА КОЧЛАМАЗАШВИЛИ - профессор ГТУ

НАТИА ТЕТУНАШВИЛИ - докторант ГТУ

E-mail: natiatetunashvili@gmail.com

Резюме

Оборот внешней торговли в развитии и росте внешней экономической политики - одна из наиболее важных условий для обеспечения роста валютных доходов страны, способствовать расширению местного производства и занятости роста населения, Формирование здоровой конкурентной среды и экономики, структурного совершенства, чтобы ускорить полную интеграцию страны в мировую экономическую систему в процессе. В статье рассматривается Министерством внешней торговли и анализа торговой политики.

Ключевые слова: торговая политика, Нетарифные меры, Торговый режим, Сертификат происхождения, экспорт, импорт.